

甬諺名謂籀記

陳訓正著

民國二十五年四月印

甬
諺
名
謂
攢
記

甬諺名謂籀記

諺、傳言也。謂為傳言。知必于古有考矣。吾甬句流域。言語殊絕。甚於他郡。繆傳既久。滋生益多。驟聆其音。幾無以下筆。然因聲尋繹。知凡有音無字之諺。未嘗不可比附于古義。讀書有閒。輒為籀記。年事辛辛。未遑部居。假日逸錄。亦敝帚自珍之意也。玄嬰識。

卷一

說文

甬俗謂分為擘。實即八字。說文、八、象分別相背之形。故拇指食指之間。俗稱專八。謠為虎擘。分財貨曰擘帳。或謂當是派字。實亦八字之轉也。又裂物為二亦曰擘。多裂之曰碎擘。此則分析之義。字當為鉈。即擘也。鉈擘一聲之轉。今俗俱以擘字當之。又絲麻之屬、結須下垂者。以一垂為一膀。音在邦旁之間。按此實鉈字。鉈本訓散絲。故凡結須而下垂者。一垂為一鉈。字从底者。亦分別之意也。

底即派之本字 鉈膀雙聲。又分別

